


DS

753

T75

1651

V.1



錫山鄒流綺手輯

明季遺聞

是集始自流寇辛壬起禍迄于皇清乙丙定鼎凡燕京之告變南都之弗守暨八閩兩粵之間盡莫不廣搜遺事脩載新編務傳信而闕疑亦懲前而茲後洵明季之實錄實野史之快觀也識者鑒諸

自序

嗚呼明季之事。天與人難言哉。自三代以迄唐宋。繼世有天下者。莫不禍亂代起。以開中興。其間惟晉元宋高。偏安江左。他若夏少康。商武丁。周宣王。漢世祖。唐肅宗。凡邊亂內難。一皆削除之。光復

舊物告成太廟。享有所年保民之譽。以垂久遠。明朝祖功宗德。較隆前代而先。皇帝以聖明在御。盥食宵衣。比之太康之尸位。仲壬之廢嫡。厲王之內嬖。哀平之外戚。惠帝之昏弱。明皇之淫蕩。徽宗之晏佚。舉無一端。謂宜治平立臻。而逆。

寇犯闕。身殉社稷。烈於七君。言天言人。
都不可信。蓋自故輔烏程武陵輩。不能
以堯舜之道事君。務拾申商督責唾餘。
以煩苦天下。十六年間三事九列。繩繩
繼繼。半是持祿養交。唯諾成風。賄賂競
尚。始而裁驛。繼而加派。繼而抽練。繼而

郡邑以催科爲上考。庶司以搜括爲能。事。繼而簧鼓細人。流言流說。以掊剋爲希幸。兼以高尚威嚴。獄訟繁興。民不堪命。而又錢法鈔法。一時竝行。致海內若焦若焚。怨讟盈路。盜賊蜂起。勦不成。勦撫不成。撫雖有善者。末如之何。屈指當

日。不。乏。名。流。如。品。行。高。峻。卓。出。倫。表。之。

吳鄭。

鹿友
玄嶽

閔通博雅。磊落千古之錢王。

牧齋

慷慨擔當。寔心經世之洪盧王史。

覺斯

亭九
九台

奇情至性。孤行特立之黃蔣。

鐵山
道隣

文姚。

石齋
八公
湛持
現間

乃至直言強諫。鐵面冰。

心。百折不同。輒軻顛躓之劉趙楊章。

晉
卿

前之機

熊姜傳李

魚山如農
右君灌谿

詹任毛魏

部魯齋

一庵叅之

成曹周葉諸公

寶慈履垣
仲馭渭山

而

芝田倩石

羣小必掣其肘○絆其足○毛舉鶚擊○俾任

公下

事之念○不勝其救過之念○跋前疐後而

憂患多○左方右圓而才智詘○不過出嘆

於朝○入嘆於室○中宵徬徨○當饋而起○下

日○勢○成○土○崩○瓦○解○以○祖○宗○櫛○風○沐○雨○之○
天○下○輕○輕○斷○送○於○衆○小○人○手○宜○乎○有○識○
者○憤○激○而○言○謂○今○日○毋○論○李○綱○難○得○卽○
求○一○太○小○人○若○秦○檜○亦○不○可○得○也○迨○弘○
光○南○渡○時○事○日○非○除○聲○色○貨○利○之○餘○無○
朝○政○自○誥○命○贈○廕○而○外○無○功○能○真○所○謂○

清歌漏舟之中。痛飲頽屋之下。泄泄沓
沓。於斯爲甚。若夫入閩兩粵。餉匱兵單。
愈趨愈下。尤不足觀。譬之千金之子。家
資蕩盡。四壁徒存。而又外侮交訐。爲之
紀綱者。復從而陰耗之。其主人復不能
憂勤節儉。欲以左支右吾。光前猷而復

祖業此實難已。試問誰秉國成。則貴陽
桐城南安。吸脂吮髓。前後一轍。此與烏
程武陵。又何以異。蓋若輩有小人之心。
無小人之才。才能治天下。亦能亂天下。
惟無才。止能亂天下。不能治天下。殆明
季之謂與。卽有一二正人君子。公忠體

國若姜高劉呂祁許張吳熊馬章金數

輩

居之硜齋念臺儼若世培霞城

非聽

投紱去則重得罪耳曾有一人得安意

行道者乎而欲以致治保邦又曷望焉

皇清入關伸義勦賊時朝議冊封晉藩

於江南興滅繼絕誠爲盛事會聞金陵


擁立。遂興南下之師。不二年間。摧枯拉朽。東南半壁。全入版圖。求如晉宋。亦不可得。凡此盡人事之不臧。與抑出於天數之有定。與頃者野史紛紜。愛憎失實。如王之明。假冒太子。而以爲真。左崑山迅掃群奸。而稱爲叛。張司馬矢忠北進。

而加以不韙之名。李太史倡議南遷。而昧其先幾之哲。乖訛顛倒。類不丁端。茲就先達之緒論。合之邸報之流傳。稍爲詮次。成帙。昔齊公仲氏。懼女醜而無歸。日譽女之美。且許以千金之裝。人曰。女姣而復贈以厚裝。必醜。卒不聘。申屠氏

女美懼其女之入於宮也。乃毀爲惡。亦
卒不聘。夫美醜之不以毀譽掩如此。余
又何必曲舌強爲飾說乎。然則燕都之
變人耶。而寔天也。金陵閩粵之失天耶。
而卽人也。天人之際。余殆不能不三致
意云。

順治丁酉孟夏梁溪鄒漪流綺父題於

吳門道中



凡例

一野史從來不廢。是編悉紀明末遺事。其先
帝朝事無關於鼎革者。茲不盡載。另有崇禎
紀事一刻。大書而特書之。至新朝大政。洋
洋纒纒。別載國史紀畧。以自附於矇誦贅
說之義。

一明運告終。實由流寇蹂躪海內。幾十餘年。
自秦晉而蔓延楚豫。以及吳蜀燕京。茲特詳

攷歲月。條貫而詳悉之。所幸。皇清入關。伸
義復仇。徃致史相公書有云。國家定鼎燕
都。乃得之於闖賊。而非得之於明朝也。固已
爲萬世之定案矣。

一江南浙東。入閩兩粵。俱不書帝書上。僅稱
年號。以尊王也。其當日章奏。稱呼仍舊。倣
前史例也。攷崇信錄云。年號是紀時事。帝號
乃誦君德。觀於章奏書冊中。紀年年號。從不

擡頭。可以想矣。卽清朝封事亦多稱其年號。但斥之耳。

一集中叙載人物之賢否。言行之臧否。要皆攷據邸報。採擇見聞。不敢虛美隱惡。以重穢史之咎。

一殉難諸賢在北都者。易名卹贈。炳耀千秋。其在東南抗節諸公。亦奉

聖明有詳訪確議之旨。蓋聲其罪。未始不憫。

其心。殺其身。未嘗不高其義也。並應直書。以見癡忠。

一南渡事多未備。止記耳目所及。如浙事得之許子。浹紀事。閩事本之家大人紀畧。粵事悉之瞿常熟家傳。暨華方若新書。摠俟後之君子。攷覈論定云爾。

流綺氏又識

明季遺聞

目錄

第一卷

紀李賊倡亂本末始辛未四月迄甲申三月

皇清定鼎燕京之績

第二卷

紀弘光南渡本末始甲申五月迄九月

第三卷

紀弘光南渡本末始甲申十月迄乙酉五月

皇清削平江浙之烈

第四卷

紀隆武永曆繼立本末始乙酉八月迄庚寅

十二月 皇清底定閩廣之盛

目錄

明季遺聞卷一

北都

江左鄒漪源綺輯

賊李自成初名鴻基陝西米脂縣人也祖海父守忠世農頗饒自成幼好勇與姪李過即一隻虎為暴于鄉娶妻有淫行手刃之以負債故受過于艾同知并殺艾懼罪逃入甘肅為兵以功陞把總又殺王參將遂為賊初崇禎皇帝卽位勵精圖治軫恤民艱憂國用不足務在節省於是給事中劉懋上疏請裁驛遞可歲省金錢數十餘萬上喜著為令有濫予者罪不赦部

祖宗設立驛站所以籍絡強有力之人使

之肩挑背負耗其精力銷其歲月糊其口腹使不敢爲非原有妙用只須汰其冒濫足矣何至刻意裁削驅貧民而爲盜乎況節省金錢不足抵泥沙之擲殺掠屠戮特增耗耳

科監司多以此獲譴去。天下惴惴奉法。顧秦晉土瘠。無田可耕。又其民饒膂力。貧無賴者。藉水陸舟車。奔走自給。至是遂無所得食。未幾秦中疊饑。斗米千錢。民不聊生。草根樹皮。剝削殆盡。上命御史吳甞賁銀十萬兩往賑。然不能救。又失驛站生計。遂相聚爲盜。給事中許國、榮、御史姜思睿等知其故。具言驛站不當罷。上皆不允。衆共切齒于懋。呼其名而詛咒之。圖其形而叢射之。懋以是自恨死。棺至山東。莫肯爲輦。負者至。委棺旅舍。經年不得歸。已已。清兵薄畿。徵

首禍者鶴
成禍者嗣
昌是父是
子

四方援兵勤王。保定兵首潰。餘亦多中路逃者。因與
飢民合勢。嘯聚山澤。秦中鎮將守臣。議感賊于險。據
隘。殲之。可一鼓盡也。三邊總督楊鶴。獨力主招撫。議
賊出險。遂橫不可制。鶴以此被逮。下詔獄。上意必欲
誅之。以欲用其子嗣昌。故貫其死。然首禍寔自鶴云。
賊既蔓延秦晉間。又歲壬申。登萊兵變。因調關寧兵
馬步二萬討平之。朝議欲乘戰勝精甲渡河。進勦兵
部尚書張鳳翼家本山西。慮其驅賊入晉也。阻之。盡
放遼兵出關。賊遂得渡河而南。因入豫。入楚。入安廬。

賊首之有名號者在秦則稱紫金梁上和滿天星蝎

子塊老狗狗一字王劉小邢管隊領兵主整齊王闖

塌夫姓過天星張南營八大王八瓜龍姓西營八大

王張獻忠二隊八大王不沾泥混世主曹操亂世主八

隊闖將姓張飛九條龍五條龍賀雙全高總管等二

十四家晉豫則稱英王王鎮虎朱溫趙令軍曹操吳

計過天星郝光混天星荆聯子過江王混世主太膽

王征西王福壽主齊夫主密靈王閻和尚老狗狗上

天龍出獵雁黑心虎樓山虎新一字主西營八大王

南營八大主。東營八大主。混天主。紫金梁。正天王。閔王。領兵主。老邢。四隊。六隊。八隊。闖塌夫。順義主。等三十二營。各擁衆數萬。少者萬計。蹂躪直省。無虛日時。李自成。方依闕主。高氏與劉良佐。自結一隊。號闖將。名不大著。癸酉。賊在河南。沿山州縣。無處不到。正月。副將芮琦。戰死武安。二月中。軍曹鳴鶚。陷沒趙寨。三月。賊入清化。游擊越效忠。登屋擊賊。墮地死。遊擊陶希謙。在武安。出禦賊硯水。自暮移營。賊乘之。落塹死。總兵左良玉。馳救清化。賊方去。復馳武安。勝之。於三

中州戰功
湯左第一
中山開平
之亞也

井獲賊首小秦王。總兵曹文詔自晉來援。涉勝干毛嶺。五月。賊盡至磁。衆十餘萬。長可五六十里。總兵鄧玘與良王會兵彭城。尾至林縣之清池柳泉。擊敗之。殲其尖騎九夫聖等八十一人。其分股犯衛輝者。巡撫玄嘿自乘城以却之。六月。叅將湯九州領昌平兵至豫。時流賊爲鄧左周爾敬三家兵所追。方從林走輝。九州自涉來林。闖賊之中堅勝干馬鞍山。斬賊首混天王。賊從林奔懷濟。鄧左追擊大敗之。賊奔潰沿河。從溫孟至武涉。遁入山。復回林縣。時湯九州駐兵水。

治居安林磁武四邑之要路。八月有陽邑鎮科泉清涼山九龍山王凱寨原康村湖南七捷。斬獲賊首混天猴等。左有河村柿黃山八特三捷。俘斬新立一字王殺盡王等。周有都里馬鞍山二捷。是月京營副將倪寵王機以禁旅六千至彰德。九月有原康營底涉縣三捷。斬獲飛天聖等。兵勢大振。賊棄妻子走北。奔五臺山。旣而復回。京營尾于後。湯左扼于前。京營勝之。于亢候石坡牛尾。湯兵勝之。于青店沙岡。賊勢窮迫。十一月賀雙全新虎等因京營乞降。然焚掠如故。

湯九州在林縣連戰三日勝于兩岔口再勝于安陽
夏村又勝于旁坐寨清涼山共擒斬四百餘級左良
玉勝之于早生斬二百級晉兵曹變蛟亦勝之于涉
縣守備許志忠孔道典等併力進勦賊前隊已連夜
走濟源垣曲遂以二十四日乘冰渡河二十六日破
渾池又破盧氏又破伊陽二縣賊渡河後殺掠更慘
初止左帥一軍尾後雖有盧氏銀洞溝刀環川柳泉
之捷而賊衆四掠星如雒陽新安陝州靈寶閿鄉盧氏永
寧汝州魯山葉縣舞陽遂平確山信陽南陽裕州泌

雪夜殺賊
固是快舉

陽桐栢、浙川、新野、內鄉等州縣賊無不至。十二月十
九日賊至鄧城。勢逼開歸。會日暮雨雪。巡撫玄嘿起。
湯九州於床曰。事急矣。宜乘夜襲之。卽晚勝之。吳城
鎮追殺五六十里。殺賊盈野。斬四百餘級。明日又追
及于橫山鎮。斬六百餘級。皆殺賊強壯。是月二十日
左帥有保安之捷。又有趙庄之捷。又有平上關黑山
之捷。七年戊戌正月初一日。巡按劉令譽督京營有
半蹄涔之捷。出其不意。斬級踰千。得此三路大捷。賊
始狼狽走楚河南。乃寧。蓋賊最畏曹文詒。其標將曹

變蛟更驍勇。時爲之謠曰。軍中有一曹。流賊聞之心。膽。慄。次左良玉。湯九州。若京營兵。賊甚輕之。時賊大。夥在秦。勦撫未定。諸督撫前後數十輩。或被譴去。或。逮繫去。或死西市。或戰死。逃死。不可勝計。惟秦督洪。承疇。勦禦有方。遂自秦撫進。五省總督。承疇廉勇精。韜鈴。率總兵曹文詔。曹變蛟。左良玉。賀人龍等。凡破。賊於寧塞。於西安。於延北。於西濠。於莊浪。斬賊渠神。一魁等。招降中斗星等。每逐賊。奔馳往還數千里。毋。在官舍。過門不入。士卒感其義。爭爲效死。楊嗣昌在。

誰秉國成
罪不容道
乃生榮死
論其謂之

樞部忌其才績。意弗善也。會賊在江北安廬者。以英
山霍山為窟穴。既野掠黃麻間。又破隨州羅田。穎和
廬霍相繼告陷。鳳陽無城可守。雖有總漕楊一鵬。駐
札兵不過一千餘。皆市人不習戰。賊至隨。破焚皇陵。
燒享殿。一鵬逮斬。給事中許譽卿四疏糾劾。溫體仁
擬旨。准無不必移鎮。以致悞陵。給事中何楷以一鵬
為輔臣。王應熊座師。并糾應熊。應熊竟以此罷相。指
揮包文達。脇中流失。揮刀陷陣。賊迫令卸甲降。文達
怒罵賊。砍其左臂。斷頭而去。和州知州黎弘慧。學正

殺戮之慘
黃巢後所
未有

康正諫總管周廷儒訓導趙世選霍山教諭龔元祥
訓導姚允恭死之兵部尚書張鶴鳴賊索金幣入其
室見皆古玉及陶器遂刃劈其頂達踵原任御史馬
如蛟與兄澤尹如虹一門戰歿原任副使
盧謙諸生韓光祖葉渾等俱死惟江浦斗大孤城知
縣季維樾登陴防禦追賊鏖戰奮臂大呼所向辟易
賊衆宵遁是時殺戮之慘天地爲黑有縛人之夫與
父而淫其妻女然後殺之者有驅人之父淫其女以
爲戲而後殺之者甚至裸孕婦於前共卜其腹中男

文剖而驗之以爲戲。一試不已。至再至三者。又甚至
以大鍋煮油。擲孩子於內。觀其跳躍啼號。以爲樂者。
又甚至綁人於地。生鋤其腹。寔以米豆牽群羊而爭
飼之。取人之血和米麥爲粥。以餵馬驢。使之腹壯而
能中敵者。所擄人子女百千。臨行不能多帶。盡殺而
去。或殺人而間以蘆葦薪木堆城下。縱火焚之。令穢
氣烟焰薰逼城上。守兵立仆。上震怒。勒限六月平賊。
齋居武英便殿。減膳撤樂。青袍視事。以示行間文武
甘苦與同之意。朝議命盧象昇爲總理。象昇初脩兵

盧洪二公
自胸有數
萬甲兵無
奈如樞慙
伯事事掣
肘寧可斷
廷封疆不
肯破除門
戶將相不
和真非社
稷之福也

天雄寇興馳行郡內嚴檄州縣繕城治具率衆往遇
賊數萬象昇弗却中一矢額傷又一矢僕夫斃馬下
象昇提刀戰益疾賊乘高臨後兵至乃免賊分黨趨
城下潛發兵攻滑象昇知賊計戒守城士勿動選騎
出前伏草莽賊至卒發大敗之斬級數千賊相戒曰
此盧閭王遇卽死不可犯象昇以是有能兵名賊懼
南渡河河以南所至殘蕪甲戌勛破命象昇撫鄖鄖
大治乙亥命象昇撫楚賊又懼流河南總兵祖寬於
雒陽等處三戰三捷斬級二千軍聲大振象昇遂晉

兵部侍郎總督七省會乙亥歲杪滁州攻圍甚急。知
州劉大輦馳檄請救。疾走援奮擊賊大敗。象昇會諸
將曰。兵貴神速。今賊氣已衰。失此不擊。長患安窮。趨
兵乘其後。又大敗。賊遁承襲。象昇獨以數百騎入陣
中。爲賊困。二日賊不敢犯。象昇與諸將約曰。食盡道
窮。留此死。擊不勝亦死。吾當力衝之。乃率騎往擊。殺
萬人。斷食道。越三日投戈請降。其及之於滁。將盡勦
無遺。顧以淮督朱大典莫爲堵截。復逸去。會丙子夏
六月。休兵。象昇疾走秦關。與總督洪承疇議事。時秦

申仲在內

李綱無功

潛善秉成

宗澤懷恨

古今一轍

中之賊方熾。豫中之賊又來。凡臨潼。邠州。渭南。韓城。華州等處。承疇隨地嚴兵阻賊。象昇又屢獲奇勝。釜魚阱獸。賊旦暮可平。乃溫體仁忌功。象昇忽受命。王未幾改宣大總督。而以熊文燦代之。文燦惟迎合中朝爲事。一意招撫。賊勢復烈。蓋體仁以象昇爲南人不習邊塞。改置重地。增其担負。緩則敵之。急則殺之。此其積念也。後象昇果戰死松杏。承疇尋亦改督薊遼。時賊既往來不定。豫中尤稱要衝。關陝以東。黃河以南。襄漫以北。延袤數千里。所在馳突。乙亥巡撫

玄嘿罷去。代之者陳必謙。必謙與象昇協力勦賊。部
領諸將左良玉、陳永福、趙國柱等。斬興世王于邲縣。
闖世王于白沙。整齊王于宜陽。掃地王于邲。豫患少
息。已而赦詔到豫。必謙知其詐。欲令面縛詣軍門。副
將王進忠勦賊無功。思以款自効。單騎入賊營。爲賊
所殺。必謙竟以此罷。賊又破蘆氏。陷陝州。攻圍永寧。
破興庄、馮庄等寨。及响峪等十三村。丙子。用經畧侍
郎王家禎巡撫河南。時宛南裕舞一帶。巨寇鳴張踞
蟠龍山。負嵎爲勢。不一年。家禎旋罷去。陞河北道常

道立代之。蓋道立幼在揚鶴衙齋與嗣昌善。嗣昌時以本兵入閣也。上又憂賊不即平。命內臣盧九德劉元斌率禁旅出討。八月抵河南。九德勤幹諳練兵機。其把牌中軍黃得功宋紀皆驍勇絕倫。官兵勦賊于真陽縣之張家灣。追至光山。千總張國柱被圍。遊擊苗有才救之。而山下雪積坑深。方欲收兵。賊大隊齊發。呼囉囉爲號。四面合圍。官兵大敗。大畧劇賊人有副馬。疲則易之。躡捷如飛。官兵用步卒尾之。重趺而至。賊已逸去。喘息未定。他警又告。故將士不勝勞苦。

終無成功。是年賊勢益熾。其在楚者。自秦翼明。楊世恩。應山。一捷。斬級五百。而後旋遶麻黃。一股西犯德安。一股東趨江北。破英廬。圍安慶。副將程龍以火藥含笑自焚。守備陳于玉等俱戰歿。十月入舒城。叅將張一龍勝之于咎家岡。獲其頭目。擗天動等。副將孫應元勝之於烏紗山。斬五十餘級。太監劉斌率京營兵鏖戰竟日。追殺七十餘里。號哭震天。殺賊五百四十二級。賊遁入山。而秦撫孫傳庭破殺闖主高氏。自成入西川。十月初四日。冲梨樹壩。日等關。副將孔全

斌等遁。于是破寧羌。攻廣元。逆宗朱廷一者。時爲叅軍。株守保寧。坐視不救。遂直犯成都。蜀撫王維章聽其突入。不能扼禦。自成往來階巖間。維章逮問。伏法。戊寅。巡撫常道立奏賊犯鄧州。焚毀周王八塋。總理熊文燦報賊困英山。合九路之兵會剿。賊從德黃一路潛遁。楚撫俞應桂逮問。豫撫常道立招撫闖塌天等。闖塌天本名劉國能。性至孝。就撫乃奉其母命也。晉撫宋賢奏混十萬等賊乘虛窺渡。攻剋五塔圪塔等寨。攻圍陝州等處。官兵禦却之。賊拔營遠遁。二月。

官兵三戰三捷。敗賊于鎮平縣。生擒草上飛、獨脚虎等。斬扒天虎等四人。賊渡河間、光山等處。結連曹揆及托夫主、整世王、混世王、十天王、紫微星、過天星、飛虎八家大賊。來商城固始界。欲上潁霍等處。爲度暑計。太監盧九德分佈官兵迎擊。大敗賊于山石橋。擒賊抵地虎、黑旋風等。三月巡道張天經又敗賊于黃福店。斬獲無算。招降賊首飛天師等。五月總兵左光先又三敗賊于大寨地方。六月陳永福又大敗之于饒良鎮。嗣是官兵又敗之于宜陽、連庄、雍家庄、林家。

庄等處。左良玉又大敗之于高坡。混十萬。

本名侯世範帶

傷遁。妻子囚執入省。混十萬亦旋降。九月內。臣盧九德扼之于襄。撫臣常道立擊之于鄧。監軍張大經總兵劉澤清。左良玉。張任學擊之于襄。承隨棗汝許十月。張任學又敗之于高庄。賊南北無路。轉戰敗逃。凡曹揆。搨裡眼。托天主。過天星等賊。在豫在楚者。無不分頭鼠竄。已卯三月。漕撫中軍劉良佐。有光山之捷。安廬巡道湯開遠。有舒城三捷。賊漸西奔。張獻忠。曹揆。因入房竹山中。獻忠。榆林人。初爲小賊。號黃虎。後

爲賊帥。稱八大主。假官兵旗襲南陽屯南關。左良玉適至。疑而名之。獻窘逸去。良玉追及。兩馬相望。一箭中其眉心。一箭釘其中。指於弓。執獻倉皇間。良玉舉刀劈其面。血流被甲。孫可望力前格之。得免。逃至麻城。左帥追勦之。一晝夜行七百里。至穀城。戊寅正月初九夜破之。出示民曰。本營志在匡亂。已逐闖兵遠遁。本營釋甲歸朝。乃拘耆老具結。遣可望以碧玉長尺餘者二。方圓徑寸珠二枚。賂文燦請降。文燦許焉。以僉事張大經監其軍。文燦庸鄙無能。駐節襄陽。于

仕途捷徑
無過賊將
預奇謀只
是招宋人
之言若爲
此輩寫照

後圃種蔬。日用數十人灌溉。時旱。郡邑申文祈雨。文
燦批文云。園蔬苗茂。禾苗何以獨枯。不過奸民爲通
糧地耳。其設施如此。左良玉謀于巡按林銘球。巡道
王瑞旃。欲誘執獻。文燦曰。殺降不祥。力庇之。乃移其
營於城內。獻恃文燦益無忌。私練士卒。造軍器。穀城
諸生徐以顯。一見如故。教以孫吳兵法。又乞職銜。索
月餉。且請浞陝盧靈閼五州縣屯馬步兵六千。已卯
春。獻忠叛形愈著。良玉請討之。文燦故彰露其事。使
獻知之。強留良玉飲餞。稽延時日。獻從容盡運兵械。

入房山。文燦始催出兵。則獻已叛矣。是時文燦招撫
十三家賊。蜂屯蟻聚中州一帶。旋撫旋叛。巡按徐一
范謂可勦之。機會與能勦之物力。都從撫裡錯過。良
不誣也。穀城令阮之鈿。瀝血書絕命詞死之。良玉聞
變。曰。經畧縱虎負嵎。使我撓之。不去。必以逗遛罪我。
令旗至。卽冒暑進兵。遇伏大敗。良玉列其狀。文燦死
西市。命嗣昌代之。上寵餞甚至。親賦饒歌二首贈行。
御史張肯堂請著爲令。有創爲撫說者。議出編氓行
伍。以奸細論議出道將紳衿。以通賊論議出督撫鎮

正論侃侃

又
一
熊
文
察

帥以悞國論。疏久。嗣昌弗善也。嗣昌首倡聚斂一議。加勦餉三百萬兩。又加練餉七百三十萬餘兩。合舊。派每年加二千三百萬。以致民窮盜起。至是力以滅。賊自任。賊初聞嗣昌出。頗心怖。及嗣昌抵任。踵襲文。燦招撫故智。謀以卽事委卽撫袁繼咸。楚事委楚撫。宋一鶴。一鶴貪懦巧諂。以嗣昌父名鶴。投謁自署其。名曰一鳥。楚人爭傳笑之。嗣昌對守年餘。一籌莫展。自撤白虎之險。縱賊入川。賊勢益張。不可收拾。嗣昌。妄聽楊卓然之說。謂獻賊難圖。革左易撫。輒思舍難。

就易檄左良玉趨皖。駕言川中零賊不足復煩大兵。軍中咸知失計。良玉探識其奸。率兵竟去。連發十九檄追之。不返。賊復出無當關者矣。且賊由西北陸走襄陽。而嗣昌由西南水走夷陵。岐路相避。猶飾稱鞭長不及。甚至地方失事。匿不上聞。而又虛設捷級。動云寇不足慮。瀘州知州蘇瓊等死於賊。嗣昌復殂其頭。充級報功。群賊愈無所憚。庚辰六月。左良玉遣降將劉國能圍獻於瑪瑙山。獻食盡。分兵四出抄糧。不得糧歸者盡殺之。未歸者詣嗣昌降。良玉使國能將

之前行。詐稱糧至。獻開營延入。國能衆掃其營壘。擒其妻孥。與徐以顯、潘獨鰲等送襄陽獄。獻忠攀藤越嶺逃去。襄陽知府王承魯素縱酒漁色。見獻忠妾悅之。故踈其防。嗣目檄至。獻邀于路。取檄遣賊僞爲公差。夜叩襄陽城門。巡道張克儉見符驗。延之入。時辛巳二月初五日也。漏四下。賊攻襄王府。焚端禮門。尋執襄王殺之。破獄出以顯、獨鰲等。獨鰲者應山諸生。富而吝。縣令婪其財。使人訐其不法。鰲憤甚。越獄投賊。獻之文移。皆出其手。署襄陽事李天覺城破。北面。

吳氣勃勃

叩首置印於案。自縊。推官鄭白廣被執。大罵不屈死之。已而破隨州。知州徐世淳埋印署後。勒馬巷戰。矢貫于頤。刀屬於頰。眼鼻橫斷。墮馬。右手握印。箱左手掣佩刀。賊鉞刀交下。陷胸穴。股以死。子肇梁亦遇害。嗣昌在荊。慙憤縊死。廷臣交章論劾。上下其議。禮部侍郎蔣德璟謂其奸欺悞國。請用嘉靖中仇鸞例。斬棺戮屍。然上竟不罪嗣昌也。嗣昌之在蜀也。安坐順慶公署。題扁自旌。大書葦梅上將。迨瀘州破後。連陷數邑。嗣昌猶在醉夢。命多脩索子。綁賊。蜀中爭傳笑。

之上以襄陽破故逮鄖撫袁繼咸繼咸立朝負直聲督學山西脩兵淮陽武昌所至以清惠稱吏民歌思之至是合辭叩闕繼咸亦出嗣昌手書明已無罪尋察其枉赦之方獻與曹操九股之在房竹山中也李自成往依焉獻謀殺自成自成覺而逃去入蜀曹操者本羅汝才與李自成同依高氏高被擒汝才走楚已卯自成自川潛渡入豫取洛陽殺福王內官崔升甫十三歲勸福王寧死勿屈抱王不去并見害又破永寧殺萬安王事聞上震悼兵科張縉彥奏福王身

賊中儘有
忠臣義士
惜國家不
早用之

死社稷守國大義。日月爭光。葬祭宜厚。從之。吏科章
正宸奏。闖賊從四川來。兵部尚書陳新甲急奏。賊自
秦來。不自川來。蓋嗣昌方奏拒賊于川。言從川來。則
責在嗣昌也。又破葉縣。降將劉國能守葉。自刎死。其
妻先死。其子方八歲。闖賊入城。抱置膝上。欲收養之。
不從。自解所帶小刀。亦刎死。自成既入洛。撰九問九
勸。諸僞萬號召群盜。勾引饑民。遂爲闖主。辛巳。自成
獨雄一部。汝才改稱曹營。自成進圍汴梁。總兵陳永
福從城上射自成。中其左目。幾死。督臣丁啟睿率諸

將左良玉、虎大威等集兵朱仙鎮，與自成戰，全師皆潰。六月，賊曹分兵東南下，敗官軍於棗陽，復回豫，破南陽，殺總兵猛如虎。與官兵戰於鄆城，賊衆折傷適秦撫汪喬年，又敗於襄城。喬年死之，賊資其甲馬火砲，乘勢破歸德，復圍汴。官軍敗績於水坡，賊勢張甚。巡撫高名衡、推官黃澍固守不下。壬午五月，自成遂決河灌汴。城中諸貴官欲爲自脫計，亦鑿堤引水。汴梁遂陷。名衡與澍等乘舟潰圍出走，餘淹沒死者數十萬衆。上念防守勞苦，不深罪，但罷名衡官而已。蘄

快哉

黃之寇復與閬合。諸渠帥皆戴閬主。革則賀十龍老
獬獬則馬守應。胡閬則蘭養成。爭世王賀錦。治世王
劉希堯皆爲閬偏裨。及破襄陽。下荊州。合兵鄖陽。閬
令獬守夷陵。以犯澧常。革趨德安。以窺黃麻。十二月
陷承天。賊遣僞將王克生。決顯陵求寶。僞陽五知州
張聯奎多備欬鋤。獻策求歡。賊方舉事。欬風雷大作。
晝晦。聯奎見金甲將。手持金瓜。當頂一擊。卽惛迷。跌
地。口鼻流血。一夜而死。聯奎宜城諸生。其妻何氏固
以貌都。爲賊所執。守節不從。慷慨遇難者也。克生抵

去。不。知。所。在。衆。賊。驚。散。閩。大。懼。遂。不。敢。動。曹。賊。羅。汝。才。聞。之。以。天。命。未。改。潛。謀。歸。順。欲。殺。自。成。獻。功。尋。以。印。馬。分。營。起。自。成。疑。癸。未。三。月。十。日。自。成。設。酒。縛。革。明。日。猝。至。曹。營。斬。羅。羅。部。將。楊。承。祖。素。驍。勇。率。衆。盡。走。鄖。陽。投。守。臣。徐。起。元。起。元。守。鄖。數。年。處。強。敵。之。間。竟。保。殘。疆。無。恙。皆。羅。兵。力。也。猶。在。澧。聞。變。閩。調。其。兵。回。襄。不。從。閩。旣。廣。收。部。曲。設。僞。號。自。稱。倡。義。大。元。師。爲。一。品。權。將。軍。二。品。制。將。軍。三。品。果。毅。四。品。威。武。五。品。皆。將。軍。七。品。掌。旅。八。品。部。總。九。品。哨。總。所。授。將。帥。

田見秀、劉宗敏、賀錦、張鼎、黨守素、辛思宗、客可成、李友任、繼忠、吳光義、劉芳亮、劉希堯、李過、自成親侄等共兵二百三十餘隊，總計馬步兵六百餘萬。每隊立一標旗，行營望之而走。標營用白旗，纛皆用黑。左右前後分用黑白紅黃色。而纛隨之。自壬午年夏破荊，初改防禦使府尹、州牧、縣尹。至癸未正月，欽天監博士楊永裕投闕，更設六政府侍郎、郎中。從事諸官屬侍郎則喻上猷、蕭應坤、楊永裕、郎中徐丘、王家柱、鄧岩忠。從事顧君恩、郭附龍、傅朝升。防禦則孟長庚、陳蓋、李

之綱。吳大鴈、黃閣、金有章、府尹則張虞機、姚胤錫、牛
佺、劉蘇、鄧璉、劉茂先。又使任光榮守荊、蘭養成守東
陵、王文耀守澄、白旺守安陸、葉雲林守荊門、謝應龍
守漢川、馬世大守景陵。高一功守信陽、周鳳梧守禹
州。兵鋒所至，人心惶惶，皆棄城奔走。大江南北，人無
固志。獻忠因得乘機攻取。先是壬午六月，破黃安。十
二月，破黃梅。癸未正月，破荊承。荆王播遷，道臣張鳳
翥、鍾祥知縣蕭漢死之。三月，蘄水鄉宦周之任、刁賊
破城道臣許文岐死之。已而陷黃州。黃陂鄉宦歐陽

致迎降。惟樊維城殉節。維城固孝介公王衡侄。其父
王衡以御史抗言國本被謫者也。貢生馮雲路力學
著書。精禪理。徵辟不就。賊慕其名。強起之。雲路不屈
而死。其門人諸生汪陞延亦死。諸生易爲瑯父道遲。
名重海內。前已與次子爲璉罵賊死。至是爲瑯亦死
之。四月破麻城。從賊大逆。則劣生周文江居首。文江
爲賊兵部尚書。有原任錦衣衛遣戍劉僑托文江進
二羨妾。併金銀器皿玉杯古玩數萬金於賊。賊用僑
爲錦衣衛都督。教諭蕭頌聖自殺。賊從鴨蛋洲渡武

恣睢暴虐
非復人理

昌縣知縣鄒逢吉死之。五月破武昌。殺楚王。驅平民三十餘萬。溺之江中。故輔臣賀逢聖朝服投江死。門生太冶諸生尹如翁從之。楚府長史徐學顏方署江夏縣。與賊格鬪。爲所支解。都司朱士昇戟手罵賊。爲賊斷手而死。嘗武衡桂。在在告陷。衡陽知縣張明翼罵賊不屈。縛擲中流。獻忠大肆殺戮。積屍浮江。江水爲赤。橫屍之慘。黃巢後未有也。八月破岳州。復陷長沙。巡按御史劉熙祚罵賊不屈。至血面剝腹。橫曳倒磔以死。長沙推官蔡道憲殉義最烈。而江西袁吉一

帶面而與楚相通。賊從萍鄉、萬載、永新三路突犯。吉安、安福、廬陵、吉水俱破。後由湖南復入川。據險設官。僭太號。改元義武。置左右丞相。以徐以顯爲右丞相。潘獨鰲爲中書舍人。築官室臺觀。置酒自娛。不復出。上命江鳳黔、粵各督。及即皖、江、沅各撫。合兵勦賊。方獻忠、王牛之破武昌也。左良玉避其鋒。擁兵九江不敢逼。及獻旣入蜀。良玉畧定武昌、澧陵、長沙、湘潭、湘陰并湖南一帶。又復岳州、監利、石首、上安、德安、隨州等處。總督呂大器又復袁州、萍鄉、萬載、吉安、廬陵、吉

水永新太和安福等處。大器沉毅知兵。方入援時。路過峽江。城門四閉。聞是官兵。反行遮殺。詔以入王兵到。開門出迎。手持縣印。口稱千歲。備有大馬二十五匹。糧草無數。新舊知縣俱已拿下。聽候發落。大器立取奸民梟示之。次第恢復時。自成已據全洛。直窺陝西。總督孫傳庭故將家子。然性怯懦。不知兵。好大言。九邊精銳悉隸麾下。又據潼關之險。自成欲誘致之。每戰輒匿精銳。驅難民當前。因是多所斬獲。傳庭志益驕。屢疏奏捷。且上言有自賊中逃向者言賊聞臣

竊則敗

名皆驚潰。上信之。因召對群臣。出傳庭疏示衆。兵部侍郎張鳳翔獨言賊素狡多詐。示弱不可信。且傳庭所統皆良將勁兵。不如爲陛下留此家當。上日攝之。群臣窺上意。爭請命傳庭進剿。未幾果覆師。乃削傳庭職充爲事官。扼守潼關。加白廣恩陝西總兵官。提兵援剿。進士程源疏言。殲太寇必圖太舉。合數十萬之衆。八面而齊攻之。誰應援。誰聲寔。誰牽制。誰批腹着着。照應使之疲於奔命。救接不服。然後可一鼓咸擒。乞勅傳庭憑關固守。勿事浪戰。書奏不省。十月初

六日傳庭開關延敵。賊伏精銳關前。引傳庭出。遂奪關入。三秦頓失。改西安爲長安府。十一月考校州縣生員。一等與六政府屬。二等與州縣。三等與佐貳。是月攻榆林不利。再攻乃剋。又攻慶陽亦剋。一時死職者。巡撫馮師孔。按察使黃綱。長安知縣吳從義。渭南知縣楊暄。蒲城知縣朱一統。商州巡道黃世清。慶陽守道段復典。慶陽知府董琬。榆林守道都任。合門雉經。中部知縣朱新達。自知城守不支。先令妻妾縊。一妾尚未配合。新達叱令去。妾不可。垂泣。甘縊。然後新

諸公勁節
直與華山
比高涇水
任潔壯哉

達。自。盡。原。任。總。兵。尤。世。威。舉。家。百。口。付。之。烈。燭。身。衝。
鋒。亦。戰。死。街。心。原。任。總。兵。侯。世。祿。侯。拱。極。王。學。書。王。
世。欽。王。世。國。李。昌。期。原。任。副。將。翟。文。常。懷。德。李。登。龍。
張。發。楊。明。原。任。游。擊。孫。貴。龍。養。崑。原。任。守。備。白。慎。衡。
全。家。敘。見。任。游。擊。傅。德。惠。憲。潘。國。臣。李。國。奇。吳。維。新。
陳。上。典。劉。芳。馨。劉。廷。杰。文。侯。國。見。任。守。備。尤。勉。惠。漸。
賀。天。雷。楊。以。偉。掌。印。指。揮。李。文。焜。皆。不。屈。死。而。鄉。紳。
死。難。則。原。任。吏。部。尚。書。南。師。仲。禮。部。主。事。南。居。業。山。
東。巡。按。御。史。王。道。純。誥。封。副。都。御。史。朱。嘗。德。宗。室。舉。

聖謨洋洋
湯冠安民
盡在此二
十四字中

人朱諱泉。原任太常少卿。麻僖。原任大同巡撫。焦源
溥。以罵賊斷舌死。原任宣府巡撫。焦源清。以不受僞
職死。原任磁州巡道。祝萬齡。深衣大帶。至關中書院。
斯道中天閣下。哭拜宣聖。從容自經死。朝議以兵部
右侍郎俞應桂爲總督。而命御史霍達監其軍。達秦
人也。夙負才畧。習知地利土著。故用之。十一月初三
日。上召對。諭以有真勦。然後有真撫。有好將。自有好
兵。有好有司。自有好百姓。在爾寔心爲之。命達作速
前去料理。達痛哭敷陳。言西安若在。臣不惜死以報

皇上。比至則僞官充斥。赴任無地。脫是時中樞稍知。兵當賊因榆關。勿狃小喜。預請濟師。爲犄角。可令賊奪氣去。卽不然而堅壁死守。勤主兵集。賊亦鳥奔獸散。乃一籌莫展。束手待斃。迨甲申春正月。太司馬張縉。彥方奉召至。雖拮据綢繆。而賊已由秦越晉。直薄畿南。勢如破竹。莫有當關者矣。元日。太風震屋。揚沙咫尺。不見。時滿州建國號曰。太清。改元順治。而賊僭位西安。妄稱太順。年號永昌。恣掠河東。河津。稷山。涿河。絳州。一帶。初三日。上特召左中允李明睿。陛見。

是誠上策

明睿南昌人。公忠練達。以總憲李邦華總督呂大器。特薦。召起田間。明睿初欲勸上西遷長安。一以親征。挫賊之鋒。一以就甘肅寧夏之士馬。一以就咸陽之。王氣。蓋咸陽爲古帝王共建之都。四塞之固。天下共聞。以下令於諸侯。猶居高屋之上。建瓴水也。此誠上策。此聞賊入關。念只有南遷一策。可以圖存。轉危爲安。至是召對德政殿。上問禦寇急策。明睿請屏左右。密陳。趨近御案。與御衣接。言臣自蒙召以來。探聽賊信頗惡。今日近逼畿甸。此誠危急存亡之秋。皇上不

可不長慮却顧。只有南遷一策。可緩目前之急。徐圖征勦之功。上曰。此事重大。未可易言。以手指天言。上邊未知如何。明睿曰。惟命不於常。善則得之。不善則失之。天命微密。全在人事。人定勝天。皇上此舉。正合天心。差之毫釐。謬以千里。知幾其神。况事勢已至此極。詎可輕忽因循。一不速決。異日有噬臍之憂。當局者迷。旁觀者清。皇上可內斷之聖心。外度之時勢。不可一刻遲延者也。若築舍道旁。三年不成。此事。后雖欲爲。有不及爲者矣。言之痛切。上四顧無人。云此事。

我已久欲行。因無人贊襄。故遲至今。汝意與朕合。此意決矣。但外邊諸臣不從。奈何。爾且密之。密之上復問中途接濟。睿奏沿途接濟固不可少。然不如四路設兵。四路者。東山東。西河南。此旱路也。登萊海船通州運河。此水路也。然皇上却應從東小路。輕車南行。抵淮上二十日。文王柔順。孔子微服。此之謂也。上曰。然。然此事重大。不可輕洩。洩則罪坐汝。睿奏臣謀之。臣敢洩之乎。但祈皇上聖斷。皇上但出門一步。龍騰虎躍。不旋踵而天下運之掌上。若兀坐北京。堅守危。

城無益也。上曰：朕知道了。隨退還宮。賜宴於文昭閣。
日午。上又召對內殿。睿極陳枚卜考選之弊。請著爲
令。不立邊功。不許枚卜。不立邊功。不許考選。又言兵
餉缺乏。民窮財盡。目前只有速發內帑。足濟燃眉。上
言內帑如洗。一毫無措。睿奏祖宗三百年來積蓄。度
不至是。上曰：其寔無有。命出外賜茶。未幾夜漏初傳。
上又召睿進內。近御案。問所奏事。卽欲行之。誰可接
濟。途間用何等官員領兵措餉。駐扎何等地方。睿奏
濟寧淮安俱緊要地方。不可不設官。須擇重臣領兵。

領餉。皇上雖間道微行。此兩處扼要。不可不豫爲防。又問是何等官銜。睿奏須戶兵二部堂上官。上曰。然。此時兵俱在關門。太將俱在各邊。調遣甚難。奈何。睿奏近京八府。尚可召募。皇上此行。京城尚須人料理。關門兵不可盡撤。各邊太將不可輕調。惟有在內公侯伯。及內閣六部文武大臣。皇上不妨召至御前面。試其才能。推轂而遣之。上曰。然。睿復奏。內帑不可不發。除皇上服御外。一臺俱是長物。當發出犒賞軍士。萬一行至中途。賞賜不足。厚處甚難。留之太內。不過。

書口藥石

朽蠹先時發出。一錢可當二錢之用。急時與人萬錢。不抵一錢之費。上又曰。然。戶部也。着措置。睿復奏。靠不得外邊。如今三空四盡。戶部決難湊手。乞皇上自爲宗廟社稷計。決而行之。無待臨渴掘井也。上皆額之。須臾漏下二鼓。命睿出宮。大學士李建泰自言。西人知賊中事。請督兵真保。以扼賊衝。上壯之。命爲督師。擇吉。二十六日寅時。告太廟。卯時。行授鉞禮。殿梁響聲大作。如摧折然。巳時。駕登正陽門樓。親餞官軍。旗幡十餘萬。自午門外排至正陽門外。旌旗金鼓甚。

大恩至矣
何以圖報

盛文武百官聞召俱至上慰諭建泰再三曰先生此
去如朕親行賜坐賜宴列席十九文東武西御席居
中御用金盞爵皆嵌太寶石是累朝重器諸臣則皆
金杯也上復親進建泰三杯卽以三杯賜之復出御
撰手勅獎諭親臨正陽用寶以賜內璫爲掛紅簪花
鼓樂導尚方劍而出建泰甫出宣武門輿拉忽折是
日諸臣又公餞於護國寺建泰意氣英上言方入寺
時視其印綬忽發大如斗同官相與賀曰此指日成
功取金印如斗兆也此聞賊信洶洶建泰益遲遲其

只會殺民
却能殺賊

伴路無人
爲賊訓笑

行日止三十里。至涿州。營兵三千。迂回過東光。兵不
戢。民閉城門。建泰怒。留攻三日。克之。進退無措。惟邊
巡畿內而已。賊移檄遠近。有云。君非甚黯。孤立而燭
蔽恒多。臣盡行私。比黨而公忠絕少。甚至賄通官府。
朝廷之威福日移。利入戚紳。閭左之脂膏盡竭。又云。
公侯皆食肉純袴。而倚爲腹心。宦官悉齒糠犬豚。而
借其耳目。獄囚纍纍。土無報禮之思。征歛重重。民有
偕亡之恨。人讀之無不扼腕。先是賊破榆關。長河二
千五百里之防。晉獨當之。賊衆眈眈窺渡。巡撫蔡懋

德南北策應。太慶風陵。兩挫賊鋒。尋以保德州告急。還省。巡按御史汪宗茂特糾其懦。以郭景昌代之。未至。副將陳尚智投賊。爲前驅。總督俞應桂畏賊甚。遲迴河上。一無所爲。二十九日。賊從沙溝竟渡。三晉遂成破竹之勢。旣陷平陽。直困太原。賊馬步號五十萬。懋德誓衆死守。登陴拒敵。矢石火藥傷賊甚衆。裨將朱孔訓牛勇力戰死之。已而城東南角樓砲裂焚毀。風沙陡作。對面莫辨。守門將張雄爲賊內應。城遂陷。時二月十五日也。懋德繕遺疏。授贊畫知縣賈士璋。

遂自刎爲衆所奪。中軍應時盛扶上馬。欲衛出城。懋德曰。吾封疆之臣。應死封疆。汝輩自去。豈欲陷吾不忠乎。遂至書院。三立祠。惟時盛相隨。懋德南向自縊。軀輕氣未絕。時盛解鍬申覆其身。候氣絕。亦東向自勒死。蓋時盛係遼諸生。爲懋德識拔。隸麾下。見草遺疏。卽歸。寓殺其妻妾。與十四歲子。期以死。殉布政趙建極。巡按陳純德等。同死四十六人。十六日賊到忻州。進攻代州。五臺知縣投降。地方官有載牛酒以迎者。有脩子女以獻者。上集府部九卿翰林科道等官。

宋人議論
未定兵已
渡河可爲
殷鑒

會議禦寇措餉長策。令各書單進呈。內言措餉如贖
罪。勸輸及勲戚人等多貯本色。近海州縣宜輸本色。
裁冗將。悉屯塞。益鑄海運。言勦寇如鼓勵土寨。攻渾
關。收拾技勇。令畿內州縣各自扼守。徵遺逸以收人
才。倣鎮藩以省兵費。皆切寔可用。踰日又召對上手。
揔憲李邦華密疏。內云輔臣知而未敢言。其試問之。
上問何事。陳演對中乞李明睿疏。少詹項煜議單。先
是那華與明睿私議南遷。上親行與東宮孰便。明睿
曰。太子少不更事。稟命則不威。專命則不敬。不如皇

此時此勢
舍親征無
列策

上親行爲便。於召對後卽繼以疏。大畧謂今日所最
急者。無如親征一事。京營甲兵不下數十萬。近畿召
募可得數十萬。但得聖駕一出。四方忠臣義士英雄
豪傑。必有聞風響應者。昔太祖高皇帝不嘗戰於鄴。
陽乎。成祖文皇帝不嘗戰於漠北乎。世宗肅皇帝不
嘗幸承天乎。祖宗勦業艱難。擲風沐雨。披荆棘。斬草
莽。皇上欲安坐而享之乎。此何時也。而爲此迂濶不
切之論乎。黃帝曰。日中見慧。操刀必割。言貴時也。時
者難得而易失者也。山東諸王府皆有宮殿。聖駕不

妨暫駐蹕焉待太兵雲集勤主之師畢至然後徐議
西征賊聞天子自來神武先已伐謀勢必倒戈相向
而又運河設船登萊跨海山東河南兩路並進切近
鳳陽祖陵在焉皇上又可駐蹕夫親征之舉以號召
忠義皇上倡之不必皇上自爲之也南京尚有兵部
尚書史可法操江誠意伯劉孔昭此皆忠良曉暢軍
務可寄以大事皇上不妨召而與之謀事無大小悉
以諮之必能摧陷廓清建此中興大業臣又聞居庸
一帶無兵把守昌平一路無人控扼奸人從旁窺伺

中官妄意綱繆。實非完善一策。伏乞卽日調度諸將。從皇陵山外。統輦華城。俱宿重兵。命東宮石守入則監國。出則撫軍。此皇太子之職。皇上吉日啟行。留相臣魏藻德。方岳貢。護衛東宮。輔導起居。料理居守。兵事。三輔重地。皇上自爲督率。六飛親駕。萬姓雷動。兵士氣鼓。軍中皆呼萬歲。真定以東順夫。以西可無慮。賊氛之克戾矣。不然日逐一日。優柔不斷。天下大事。尚可爲哉。疏入。上深許之。下部速議。而兵科給事中。光時亨。首叅爲邪說。言不殺明睿。不足以安人心。睿

復上疏言臣勸皇上親征。非臆說也。古人已行之矣。古人用兵。有爲弔民伐罪而出者。湯武是也。有爲復仇雪耻而出者。光武是也。有爲爰整徂旅以遏徂旅而出者。文王是也。有爲出尤逆命而出者。黃帝戰于涿鹿是也。此皆聖帝明王與英君誼辟不忍天下之阡危冒白刃犯鋒鏑以身先士卒。非好之也。有所大不得已也。皇上試思昔之開天闢地者。無如漢高祖。唐太宗。宋太祖。有一不從戰爭。捷伐中磨礪而出乎。我朝開天闢地者。無如高皇帝。有一不從衝鋒陷

陣而成者乎。若使鄱陽之戰稍懈。或命將出師。而不親歷戰場。將見僞漢立奔南昌。而東南半壁之大事去矣。皇上一言一動。無不法祖。而謂今日之舉。有拂於高皇帝之心乎。且今日臣之進言。爲親征也。而諸臣妄意以爲南遷。就使皇上發策南遷。此亦救時急著。易曰。利用爲依遷。因書經盤庚一篇。皆言遷國之事。唐室再遷。再復。宋室一遷。南渡。傳國一百五十年。若唐宋不遷。當時已早繫組北轅。又何有於靈武。武林之恢復。又何有於百年百五十年之曆數哉。上時

簡閱嘿然。卽召光時亨入面詰曰。下據邪說。却只叅李明睿何也。顯是朋黨。又曰。光時亨阻朕南行。未應處斬。姑饒這遭。然而南遷之議。寢矣。事介呼吸。一失莫追。分勅太監高起潛等十人。監制寧前通津各鎮。兵部尚書張縉彥疏言。今日糧餉中斷。土馬虧折。督撫各官。危担欲卸。重責欲分。若一時而添內臣十員。不惟物力不繼。有失體統。抑且事權分掣。大悞封疆。不聽。又遣太監王坤同給事中馬嘉植。韓如愈。辛朝荐。徃直浙閩廣督餉。戶部尚書倪元璐。兵部侍郎金

之俊等合疏諫止。亦不聽。三月朔己丑。昌平兵變。京師戒嚴。上傳勲戚科道。分守九門。辛卯。出兵部尚書張國維於獄。命往浙直督理兵餉。加魏藻德兵部尚書。天津調兵。方岳貢戶部尚書。濟寧督餉。不果行。壬辰。欽天監奏帝星下移。詔加修省。大學士蔣德璟予告回籍。癸巳。發內帑十萬。遣太監杜之秩。總兵官唐通。協守居庸關。封疆重犯。俱許蠲贖。又加太康伯張國紀。嘉定伯周奎。侯爵。各蠲萬金。太監王永祚。曹化淳。蠲至三萬五萬兩。特賜建坊廕子。以示優異。又設

黃綾冊募百官。蠲助。有以衙門分任者。有以省直彙集者。大小不遺一人。甲午封唐通定西伯。吳三桂平西伯。黃得功靖南伯。左良玉寧南伯。劉澤清東平伯。乙未賊陷太同。巡撫衛景瑗死之。丙申陷寧武。摠兵周遇吉死之。遇吉夫婦臨陣。殲賊無數。賊誘降不從。及力盡。全家赴火。賊屠其城。是日隨至宣府。人無固志。巡撫朱之馮自殺。摠兵姜勳降。丁酉陷陽和。巳亥至居庸。杜之秩唐通降。巡撫何謙遁。隨破昌平。摠兵李守鋐自殺。辛丑兵部尚書張縉彥議刻期調勤主。

詔出御撰
悉痛淋漓
情乎稍晚

兵壬寅頒罪已詔。大畧云。朕爲民父。不得而羽翼之。
民爲朕子。不得而襁褓之。坐令秦豫丘墟。江楚腥穢。
貽耻宗社。負疚黔黎。罪非朕躬。誰任其責。所以使民。
罹鋒鏑。陷水火。血流成壑。骸積成山者。皆朕之過也。
使民輸芻輓粟。居送行齎。加賦。急無藝之征。預支有。
稱貸之苦者。又朕之過也。使民室如懸磬。田盡。汗萊。
望烟屋而無門。號冷風而絕命者。又朕之過也。使。
日月告凶。旱潦荐至。師旅頻仍。疫癘爲殃。上于天地。
之和。下叢室家之怨者。又朕之過也。至於任大臣而。

不法用。小臣而不廉。言官首鼠而議不清。武將驕懦。而功不舉。皆由朕撫馭失道。誠慙未孚。終夜以思。竭。踏無地。用是大告天下。痛加剗艾。要在惜人才。以培。元氣。守舊制。以息煩囂。行不忍人之政。以收人心。蠲。額外之科。以養民力。念用兵征餉。原非得已。各撫按。官。亟飭有司。多方勸輸。無失撫字。倘有擅加耗羨。朦。混私征。又濫罰。淫刑。致民不堪命者。立行拿問。其有。流亡來歸。除盡豁逋賦。仍加安插賑濟。毋致失所。至。於文武罪廢才。果堪用者。吏兵部確核推舉。若艸澤。

豪傑之士。有能恢復一郡一邑者。便與分官世襲。卽陷沒脇從之流。有能反正來歸者。准與赦罪立功。若能擒斬闖敵。仍予通侯之賞。起復太監曹化淳守城。又命收葬魏忠賢骸骨。時日色連旬無光。是夜風沙刮天。癸卯賊權將軍發偽牌。定於十八日入城。至幽州會同館繳。都人駭之。甲辰日晡。賊犯十二陵。焚享廟。伐松栢。是夜賊自沙河直犯平子門。乙巳出巡撫董象恒。魯纓。鄭一陽等於獄。時城守悉宦官爲政。大司馬張縉彥面奏請添摠督。添科道。又開薦科臣龔

事權悉歸
四官張司
馬其李之
何

明季遺聞 卷一
鼎。李道臣周元亮等命不下。太監王德化暗調杜勲
上城。縉彥効之。上手勅兵部尚書親往驗視。及縉彥
到而德化又暗縋下矣。城上虛實盡被敵窺。賊衣黃
甲。四面如黃雲蔽野。炮聲轟轟不絕。守牌軍皆貴近
家。詐名冒糧。臨時倩窮人代役。僅給黃錢五十文。雖
外城二堵置一卒。內城五堵置一卒。率飢疲不堪任。
丙午早大雨。賊攻西直不克。攻彰義門。門忽啓。德勝
平子二門亦隨破。或云太監曹化淳內應。或云王相堯官軍悉鳥獸散。
賊遂薄內城。城上砲雖林立。不過乾嚮。是日上又召

對嘆息與閣臣言。不如大家在奉先殿完事。更餘召
太監王承恩入。整內員爲出下計。又傳硃諭至內閣。
命成國提督內外諸軍。夾輔東宮。已而微服欲奪門
出。不得。望見正陽門城上。懸白籠燈三椀。知大事已
去。卽刻還宮。白籠燈者。自一至三。以表寇信之緩急。
也。上乃先殺公主。或云未死次殺袁妃。周后返坤寧宮。自
盡。上然後走煤山。縊死。外人喧傳以爲駕已出也。十
九日丁未黎明。內門大開。官人狂走。錦衣衛方金牌
禁詭言。而城中坑廁俱賊矣。京城壁立于仞。賊砍楊

樹爲雲梯。漏下五鼓。使孩兒軍從東北緣梯以上。孩兒軍者。賊中年少童子。習殺掠。不畏死者也。城中火起。順成齊化東直諸門。一時俱開。日午。自成擁百餘騎。直入紫金城。僞軍師宋獻策。永城人。長不滿三尺。軍中呼爲宋孩兒。僞內閣牛金星。河南人。乙卯孝廉。僞將軍王者。爲劉宗敏。李牟。副則田化龍。李岩等。分將各兵。百姓搽香伏迎。門俱粘順民字。賊兵恣行殺掠。婦女淫污死者。并洿梁屋皆滿。賊懸萬金賞購先帝。未幾得太子。諸主。幽宗敏營中。內庫尚存。鎮庫

吳是強盜

內操何益

金銀無數。掌書宮人杜氏陳氏竇氏爲賊所錄。明日賊出示安民。午刻得先帝凶問。縊於煤山之紅閣。紅閣者先帝爲內操特建者也。司禮太監王之心跪帝膝前引帶扼脰同死。所御玄色緞邊白綿紬皆心有御筆血詔云。朕在位十七年。薄德匪躬。上邀天罪。至虜入內地四次。逆賊直逼京師。諸臣誤朕也。朕無顏見祖宗於地下。將髮覆面而死。任賊分裂朕尸。勿傷我百姓一人。初燕都之遷鼎也。太內有密室。劉誠意留秘記。鑄鍵甚固。相誠非大變勿啟。癸未秋。清兵

死猶惓惓
百姓真是
千古聖主

豈敗已前
金

圍城上啟視室中惟一櫃。發之得繪圖三軸。第一圖
繪文武百官數千。俱手執朝服。披髮亂走上詰問。內
臣答曰。或恐官多法亂。第二圖繪兵將倒戈棄甲。窮
民負櫬奔走狀。上又問。內臣答云。想軍民背叛也。上
勃然變色。再展第三圖。圖像酷肖聖容。身穿白背心。
右足跣。左足有襪履。披髮中懸。於今日分毫不爽。賊
命以雙扉昇帝后於東華門。側斂以柳棺。覆以蓬殿。
莫有敢往哭者。賊命百官次早見朝。又拘各衙門長
班報名先後死節最著者。刑部侍郎孟兆祥。死正陽。

甲申諸書
所載從逆
變相互出
應是相參
余寧闕之
以存公道

門下子進士章明閭家自殺。大學士范景文先不食。
三日。城陷。號泣投井死。戶部尚書倪元璐紗幘絳衣。
以酒奠漢壽亭侯。南面坐。自縊死。翰林院簡討汪偉。
貽書戒子以忠孝。引鄉先輩趙昂發夫婦爲比。太書
壁上。身不可辱。志不可降。夫妻同殉。節義成雙。同妻
耿氏正位就縊死。吏部員外許直賦詩六章。有愿侍
吾皇。遘諸帝。祈哀。仍使國威揚。丹心未雪。生前恨青
簡。空留死後聲之句。冠服自縊死。左都御史李邦華。
聞變拜闕。自題壁曰。堂堂丈夫。聖賢爲徒。忠孝太節。

之死靡他。走文丞相祠。自縊死。左諭德劉理順題壁。
有云。成仁取義。孔孟所傳。文信踐之。吾何不然。科名
既占。豈肯苟全。三忠祠內。無愧前賢。與妻萬氏。妾李
氏。及僕四人。俱縊死。兵部主事金鉉。易麻素加冠袍。
躍入皇城。御河死。母章氏。妾王氏。弟琮。同時赴井死。
大理卿凌義渠。慟哭觸柱。血淋漓沾袖。盡焚所著書。
易緋衣。設香案。再拜自縊死。遺命惟曰。死後書我。柩
云。死節孤臣。凌義渠之柩如是而已。兵部主事成德。
貽書諭德馬世奇。相約死難。以慷慨從容。一義爲質。

操鷄哭奠梓宮前。叩首觸階死。母張氏亦自縊。左諭
德周鳳翔。同一妾自經死。賦絕命詩有云。碧血九原
依聖主。白頭雙老望忠魂。太常少卿吳麟徵。走二元
祠索酒痛飲。絕筆以身居諫垣。不能匡國法。應褫服。
殮時用角巾。青衫覆以單衾。墊以布蓆。棺宜速。歸爲
言。又寄弟麟瑞書。則憂江南有事。寄從弟書。則明生
平欲學文山之志。寄諸子。則教以讀書明理。遂投繯
死。右諭德馬世奇。沐浴衣冠。捧所署司經局印。北面
再拜。付僕間赴行在。復南面拜母。與一妾朱氏。李氏。

同盡其未死前答兵部成德書以吾輩令一死更無
別法吾不爲其難誰爲其難者御史王章與光時亨
巡城賊奄至叱下馬時亨降章不屈賊砍三刀墮城
下死我政侍郎王家彥督守安定門門破以不得追
隨乘輿觸死輦前爲恨走民間空屋縊死副都御史
施邦曜太僕寺丞申佳胤刑科都給事中吳甘來御
史陳良謨俱自縊死甘來先期托子與友賦詩有云
君臣義命乾坤晚狐鼠干戈風雨秋邦曜賦詩有云
慚無半策匡時難惟有微軀報聖恩良謨妻時氏從

劉張二戚
臣死得最
乾淨

之。勲戚則新樂侯劉文炳。擇一大井。合男女十六人。
盡投其中。縱火焚宅。慷慨躍入。就義最烈。惠安伯張
慶臻。盡散財物於親戚。致酒團飲。四面積薪。全家共
焚。東官侍衛周鏡母妻下門俱殉。駙馬都尉華永固。
子女數人。悉繫公主王樞前。縱火焚宅。大書世受國恩。
身不可辱。八字。然後就縊。他若中書舍人宋天顯。賊
迫書偽詔。天顯擲筆謾罵。觸階死。衛經歷施溥。仰藥
死。毛繼張。擄掠死。順天府學教官五人。同縊明倫堂。
上工部郎中李逢申。主事王鍾彥。順天府推官劉有

惜逸姓名

瀾光祿署丞于騰蛟副兵馬指揮姚成錦衣衛指揮
李若璉街道房千戶高文采英國公張世澤清平伯
吳遵周陽武伯薛濂博平侯郭振明永寧伯王長錫
彰武侯楊某太監王承恩王之俊俱死之而江米巷
口有傳神者夫婦同縊又有童生周姓憤激投甕嘔
血數升一慟而絕布衣湯文瓊自刎死生員曹文躍
居民田氏李小槐閭門俱死文瓊書其身曰位非文
丞相之位心存文丞相之心識者哀之在外則蘇州
諸生許琰聞變痛哭絕粒不食號呼先帝以卒襄城

以演之富
假令散財
饗士全城
保身何患
無家計不
出此而以
身發財所
謂剖腹藏
珠者也若
丘公遺筆
在未執之
先被執卽
文城之日

伯李國楨請勿犯陵寢。改殯先帝后。勿害太子。二主
三事。賊並諾。乃易他棺。葬以帝祭以王。數日後葬於
田貴妃墓之斜。惟國楨一人往送。國楨隨自殺。各官
皆責助餉。極刑拷掠。陳演獻至銀三萬兩。金三千兩。
珠三千斗。丘瑜初被執。卽自縊。爲賊救醒。後服冰片死。
其未執前。卽書絕命詞有云。百歲春光強過半。匡時
力短。魏鳴珂詩。書萬卷。都無用。惟有先賢正氣歌。又
諄諄勉子之敦以忠孝。有到處青山可埋吾骨。何必
故鄉等語。方岳貢魏藻德俱被刑。藻德自勒死。岳貢

事與愿違
君子惜之
若魏若方
直應責其
不早死種
種醜詆不
平莫甚卽
如予所稔
知如龔給
諫孝升楊
翰撰承如
朱給諫遂
初熊文選
雪堂方太
史密之呂
中翰霖生
皆自縊或
投水因以

不食死。其餘或用或逃或刑。姓氏未詳。兵將克塞街巷。恣意淫掠。惟殉難諸臣門。賊令不許騷擾。盡放貫城罪囚。是時畿內各屬望風歸順。惟保定猶誓死拒戰。至四面環攻。力竭不支。二十四日方陷。一時在事諸臣。則有甫到未任知府何復親放藥礮被火燒死。同知邵宗立。卽時投繯。太監方正化。城頭殺死。鄉紳則光祿少卿張羅彥。自縊。進士張羅俊。罵賊被殺。武進士張羅輔。城破巷戰。手刃數人而死。以及婦女幼子。張氏一門死者二十餘人。御史金毓峒分守西門。

被救致受
酷刑諸如
此類指不
勝屈下槩
訛聞從逆
甚矣野史
紛紛真不
顧墮拔舌
地獄矣

奮拳擊賊投井妻王氏自縊侄振孫爲賊支解子嬰
娘陳氏與其祖母張氏母楊氏嫂常氏俱投井死都
指揮劉忠嗣罵不絕口身被數鎗立死不屈舉人張
爾翬抗賊被殺高涇被執殺死水中河間知府方文
耀亦死明朝制度賊任意紛更閣改天祐等名六部
尚書爲政府翰林院爲弘文館文選司爲文諭院御
史爲直指給事中爲諫議王事爲從政布政爲統會
巡撫爲節度使按察爲防禦使尚寶爲尚契司太僕
寺爲驗馬寺通政使爲知政使中書爲書寫房府爲

尹州爲牧縣爲令武臣守備爲守領把總爲守旅公
服領尚方以雲爲級。一品雲。二品雲。三品雲。四品雲。五品雲。六品雲。七品雲。八品雲。九品雲。雲悉如之。帶用犀銀角三等。廢輿乘馬。太案曰符小
篆曰契。先鑄永昌錢字不成文。又鑄九璽不成文。每陛
御座輒日眩頭暈。見白衣人數丈長者前立。四月三
六九日。官民三次勸進。其文有云。比堯舜而多武功。
邁湯武而無慚德。賊命毀太廟神主。遷太祖神主於
歷代帝王廟中。擇二十九日。登極受朝賀。庶吉士魏
學濂死之。濂固忠節公太中之子。孝子學洪弟也。先

是濂遣間使走涪城。聯絡義旅冀得一當。翼輔皇嗣。
既聞太子二王俱爲賊得知。事不可爲。遂就縊其絕。
命詞有云。忠孝千古事。於我只家風。一死輕鴻毛。臨。
難須從容。有血麗微軀。官卑非侍中。有舌且存之。并。
遜常山公。因約同志友。延頸受霜鋒。不能張空拳。與。
彼爭雌雄。不能奉龍種。再造成奇功。死且有餘罪。何。
敢言丹忠。所痛母垂白。七十仍尸饗。未葬ラ凡ソ五喪。留。
與子侄封。人生誰百年。壽夭死所同。我比兄與弟。我。
年獨爲豐。高堂無復悲。譬不生阿儂。辭母却就父。生。

使此說得
行上則爲
奉天之李
晟次則爲
汴州之种
師道無難
也何至闖
賊長驅憑
陵無忌履
宋社而戕

死猶西東骸骨雖不歸卽率此詩筒墓本有拱時清
苗入掀松是時吳三桂率兵入關報至軍民鼎沸蓋
三桂以征遼前鋒將軍宿重兵於寧遠城計其部下
原有寧遠精兵四萬遼民七八萬皆耐搏戰而尋丁
數千尤爲雄悍賊素畏之先是朝議撤寧遠守關門
三桂與薊督王永吉遠撫黎玉田大司馬張縉彥主
之謂寧遠孤懸二百里外四面阻敵防禦極難且寇
氛日迫三輔震驚宜撤寧遠入守關門挑選銳士西
行遇寇卽京師猝驚關門之援旦夕可至上下其議

給事中吳麟徵言撤之便。一時廷論羣嘩。諸閣臣尤相左。其言三桂之調不調。視寧遠之棄不棄。無故棄地三百里。臣等不敢任其咎。事遂寢。迨寇患急。朝廷悔之。屢下旨。撤督臣永吉。以三月初旬出關。徙寧遠五十萬衆。日行數十里。十六日入關。二十日抵豐潤。京師陷矣。三桂聞變。憤甚。頓兵山海。走清朝乞師。許之。四月初。賊命三桂父驤作書招桂。賈銀四萬兩。遣唐通犒之。別以賊兵二萬守邊。三桂佯受其金。而出。不意盡行砍殺。賊將負重傷逃歸。三桂致書絕父。

云兒以父蔭熟聞義訓。得待罪戎行。日夜勵志。冀得一當。以酌聖眷。屬邊警方急。寧遠巨鎮。爲國門戶。淪陷幾盡。兒方力圖恢復。以爲李賊猖獗。不久卽當撲滅。恐往復道路。兩失事機。故爾暫稽時日。不意我國無人。望風而靡。吾父督理御營。勢非小弱。巍巍萬雉。何至一二日內。便已失墮。使兒捲甲赴闕。事已後期。可悲可恨。側聞聖主晏駕。臣民僕辱。不勝肝裂。猶意吾父素負忠義。大勢雖去。猶當奮槌一擊。誓不俱生。不則刎頸闕下。以殉國難。使兒編素號恫。仗甲復仇。

小人枉做
小人

不○濟○則○以○死○繼○之○豈○非○忠○孝○婉○美○乎○何○乃○隱○忍○偷○生○
訓○以○非○義○既○無○孝○寬○禦○寇○之○才○復○媿○平○原○罵○賊○之○勇○
父○既○不○能○爲○忠○臣○兒○亦○安○能○爲○孝○子○乎○兒○與○父○訣○請○
自○今○日○父○不○早○圖○賊○雖○置○父○鼎○俎○旁○以○誘○三○桂○不○顧○
也○自○成○怒○卽○於○十○三○日○率○兵○往○戰○盡○戮○吳○驥○家○口○三○
十○餘○人○三○桂○痛○哭○誓○師○令○其○兵○皆○雉○髮○刻○期○勦○賊○軍○
聲○大○振○賊○戰○敗○於○一○片○石○二○十○六○日○狼○狽○還○京○誅○陳○
演○及○成○國○定○國○諸○勲○戚○二○十○八○日○悉○銳○西○行○輜○重○無○
筭○或○日○太○子○二○王○挾○之○俱○出○二○十○九○日○焚○宮○殿○後○隊○

亦盡去。又三年，自成病死羅公山。其侄一隻虎以帝禮葬之。卽率衆降於何騰蛟。先是陝西參政都任憤李賊所至掘陵塚，南蒞延安。卽拘李氏宗而詰自戕父母骸骨何在。初噤不吐，則大呼吾將盡掘李姓墓。始有報者，發視則膚色如生，骨且有肉。乃刃剉而糞溺之。快哉。五月初一日，傳言太子卽位。百官迎候於朝陽門外。比初三日，駕至。則清朝攝政王也。王登武英殿受朝賀。問漢官何人最賢。衆舉李明睿。對命爲禮部左侍郎。明睿以病辭。王曰：爾朝皇帝尚未收

欽○明○日○卽○欲○令○京○城○官○民○人○等○哭○臨○無○神○主○以○何○哭○
臨○無○謚○號○何○以○題○神○主○明○睿○聞○言○大○慟○王○義○之○卽○命○
議○謚○於○朝○房○謚○先○帝○爲○懷○宗○端○皇○帝○周○皇○后○爲○烈○皇○
后○安○奉○神○主○於○帝○王○廟○初○六○至○初○八○三○日○萬○姓○哀○號○
如○喪○考○妣○尋○命○造○陵○衆○以○田○皇○妃○墳○弘○廠○壯○麗○明○睿○
經○營○相○度○厝○先○帝○於○中○台○周○皇○后○居○左○田○皇○妃○居○右○
不○十○日○竣○事○王○出○示○京○城○令○官○民○除○服○剃○頭○衣○冠○悉○
遵○大○清○之○制○自○是○京○城○內○外○盡○皆○雉○髮○清○朝○建○
都○於○燕○云○

明季遺聞卷一

